

NKONHYE NYI JOSEPH SMITH NE DASEGYE

Jesus Christ N'asor a Ḍwo Ho Ma
Ekyirmba Ahotseweefo



NKONHY&NYI
JOSEPH SMITH
NE DASEGYE

Jesus Christ N'asor a
Owo Ho Ma Ekyirmba
Ahotseweefo na wɔdze puee gua

Copyright © 1989
Corporation of the President of
The Church of Jesus Christ
of Latter-day Saints
All Rights Reserved

The Prophet Joseph Smith's
Testimony translated
into Akan (Fante)

Printed in the United States
PTMI0013AKN

*Nsem a ɔkā do yi a Joseph Smith kyereewee
 yi fi abakosem a ɔkā hēn ndzembā etsitsir a
 osii no mu bi a ɔmaa wotseew Jesus Christ
 N'asor a Ḍwā Hē Ma Ekyirmā
 Ahotseweefo no.*

Wowoo me wō Mumu ne da a otsia
 eduonu ebiasa wō afe 1805 mu, wō kuow a
 wōfre no Sharon mu, wō Windsor man mu,
 wō Vermont apaamu. M'egya Joseph Smith
 Panyin fii Vermont apaamu ketsenaa
 Palmyra kuow a ɔwō New York apaamu wo
 ber a nna meedzi bęye mfe akron. M'egya
 ketsenaa Palmyra no, bęye mfe anan ekyir
 ara na ɔnye ne yer na ne mba fii ho
 ketsenaa kuow a wōfre no Manchester mu.

Yetui ketsenaa Manchester ma afe kor
 twaa mu no, basabasaye bi sii asor a ɔwō ho
 no mu.

Chyee ase wō Methodist Asor mu, na
 annkyer na asor asor a wōwō mantam no mu
 suoo mu. Otahyee wō mbea no nyinara do.
 Nyimpa pii kōdōcō asor horow. Iyi dze
 basabasaye na ekyingye kese baa nyimpa no
 mu. Binom see de hōn dze no nko na
 nokwar wō mu. Nkaafō no so see de hōn
 dze no nko na ɔye nokwar. Binom kōr
 Methodist Asor afā. Binom kōr
 Presbyterianfo afā na nkaafō no so kōr
 Baptist Asor afā.

Asōfo horow no yee edwuma enyiberdo
 de wōdze resakyer akra nyinara akō hōn
 asor mu. Nsakyer na wōkāa ho asem kese.
 Wōfaa no de mbertsentsen a nyimpa no dōm
 asor bi no dze asor a wōkō no mmfa ho.

Hōn a wōkōdōmē ekyir no, adwensē kese bae.
 Asor biara mu asōfo no na hōn a wōkōdōmē
 asor no nye asor nkaa no mu mba gyee
 kyim. Dēm ntsi ɔdō nyinara a nna nkorofo

wɔ no ahyɛse no, ɔyɛ a ɔbɛyɛ dɛ, osian hɔn ekyingye ntsi ne nyinara fii ho.

Dɛm aber yi nna meedzi mfe duanan. Nna m'ebusuafø no mu binom enyi gye Presbyterian asɔr no ho ntsi wɔkɔdɔm hɔn. Hɔn a wɔkɔdɔm hɔn nye me nã Lucy; mo nuanom mbanyin Hyrum na Samuel Harrison; na m'akyerɛbaa Sophronia.

Ber a dɛm basabasaye yi kɔr do no, midzii atseetsee ara yie. Modween nyamesom ho pii. ɔwɔ mu dɛ modɔ na mowɔ ho adwen a ɔyɛ dzen dze naaso, mannkɔdɔm asɔr no mu biara. Mbom aber biara a mutumii no mokɔr hɔn nhiamu ahorow no bi.

Mber kakra guu mu no, me pɛ hyɛɛ ase dɛ ɔrekɛhɛn Methodist asɔr mu, dɛm ntsi meyɛɛ adwen dɛ mobɔkɔ akɔdɔm hɔn. Mbom nna adwensɛɛ na ekyingye a ɔrokɔ do wɔ asɔr horow no mu ntsi nna ɔyɛ dzen ma obi a osuar dɛ emi a m'adwen mu mmbuee biara dɛ mibanya adwen a osi pi dze akyerɛ nyia nedze ye na nyia nedze muo.

Osian ekyingye pii na adwen a onnsi pi ntsi, nna aber biara morodwen dza ɔsɛ dɛ meyɛ ho. Nna mereper ehu asɔr no nyinara no mu dza oye, anaadɛ ne nyinara muo. Na koraa mpo sɛ no mu kor na oye a, nna aka kwan a mebefa do ehu.

M'adwen sɛɛ kɛse wɔ kyim a nna asɔr horow no mu asɔfo no regye no ho. Da kor bi nna merekenkan James Nwoma no Tsir kor, Nkyekyemu enum. ɔse: "Na sɛ hom mu biara ne nyansaa tɔ sin a, ombisa Nyankopɔn a ɔdze ma nyimpa nyina kwa na ɔnnka enyim no, na ɔdze bɛma no."

Dɛm Kyerɛwsɛm yi kitsaa me kyɛn mbre Kyerɛwsɛm biara ekitsa nyimpa bi pɛn. Ohwiraa m'akoma mu. Modween ho mpɛn pii. Muhun dɛ mihia nyansa efi Nyame hɔ dɛ mbre nna obiara hia no, osiandɛ nna minnyim dza menyɛ. Minyim so dɛ sɛ menntum ennya nyansa pii a monnkotum ehu dza ɔwɔ dɛ meyɛ. Asɔr horow no hɔn asɔfo no nyinara tsee dɛm

Kyerewsem yi ara ase wo kwan bi do a manngye enndzi de asembisa yi se yehwe Bible mu a, obotum ama ho mbuae.

Joseph Ne Nyikyer A Odzi Kan

Ekyir no meyee adwen de owo de moko do tsena adwensee mu demara anaa meye de mber James akā no na mibisa Nyame. Meyee adwen de mibebisa Nyame.

Modween de se odze nyansa maa hon a hon nyansaa too sin, na se mibisa a odze bema me kwa, na orennka m'enyim a, nna otwar de mibisa.

Dem ntsi, de mber m'adwen kyere me de mimbisa Nyame no, mokor kwaai bi mu de morokobo mpaa ama no. Cyε anapa a nna wimu atsew ara yie wo afe 1820 mu. Iyi nye aber a odzi kan wo me bra mu a maabɔ mbɔdzen ebue m'ano abɔ mpaa.

Ber a mudur bea a nna maaye m'adwen dada de moboko no, mohwehwεe moho nyina ama meeju de monko na mowoh. Afei mubuu ntwer na mehyee ase de merekā m'akoma mu nsem akyere Nyame. Annkyer koraa na tum bi behyee mo do. Osuoo me tεkyerema mu ntsi nna munntum nnkasa. Sum kabii twaa moho hyiae na aber no mu no cyee me de mber woegyaa mo mu ama osse awerεfir mu. Onnye tum a medze m'adwen bubui. Ofi nyimpa ankasa bi a, enyi nntum nnhu no a, owo tum nwanwa a, menntsee bi nka wo nyimpa biara mu pen.

Medze m'ahoodzen nyina boɔ mpaa maa Nyame de ongye me mfi dem otamfo a ɔabεhyε mo do yi nsa. Aka kakra ma nkyε m'enyidado asā na medze moho ama osse no, muhun kan fadum bi a ɔhyerεn sen ewia mpo wo m'etsifi papaapa. Osiaan bereww kεpeem de kan no boɔ moho aprɔw.

Kan no puei ara nna otamfo no a ɔahyε mo do no fii ho. Ber a kan no hyerεen mo do no, muhun nyimpa enyimnyamfo ebien bi a mber wosi hyerεn na enyimnyam a wo

*"Dε mbre misii m'adwen
pi dε mibebisa Nyame no,
mokɔr kwaa no mu dε morokɔsɔ ahwɛ"*



mu no moronntum nnka ho asəm. Nna wɔsensen mo do. Hōn mu kor bōo me dzin na ɔkasaa kyereɛ me. ɔtseen ne nsa wō kor no do na ɔsee dɛ, "Oyi nye mo Dəba. Tsie no."

Maako dɛ mirikebisa Ewuradze asɔr horow no no mu dza oye ama meetum maakɔdɔm. Dəm ntsi aber a minyaa ahooɔzen a mobotum dze akasa no, mibisaa nyimpa a wɔsensen m'etsifi wō kan no mu no asɔr no mu dza oye a ɔwɔ dɛ mokɔdɔm.

ɔsee me dɛ onnyi dɛ mokɔdɔm no mu biara osiandɛ ne nyinara muo. Nyimpa a ɔkasaa kyereɛ me no see dɛ asɔr no nyina hōn nkyerɛkyerɛ yɛ ekyiwadze wō n'enyi do.

ɔsee dɛ asɔfo no nyinara aye bɔn. ɔsee dɛ hōn ano ara na wōdze yii no ayɛw, na wɔammfa hōn ndzeyɛɛ annkyere. ɔsee dɛ nyimpa ne mbrasəm na wōkyerɛkyerɛ dɛ gyama ɔyɛ Nyame dze. ɔsee dɛ dəm mbrasəm no nye Nyame ne mbrasəm no se na asɔfo no poow Nyame no nokwar tum no.

ɔsee me bio dɛ mma monnkɔdɔm asɔr no mu biara. ɔkāa nsəm pii a morunntum nnkyerɛw wō ha wō dəm aber yi. Ber a nyikyerɛ no baa ewiei na minyaa ahom ma muhun bea a mowɔ do no, mohwɛe no nna m'ekyir da famu na m'enyi rohwɛ sor.

Minyaa dəm nyikyerɛ yi ma nda kakra twaa mu no, mihyiaa Methodist asɔfo no mu kor a nna ɔkā nyamesom ho basabasayɛ a maakā ho asəm dada no ho ma ɔyɛ dzen. Ber a menye no ridzi nyamesom ho nkɔmbo no, mekāa nyikyerɛ a meenya no ho asəm kyereɛ no. Dza ɔyee no yɛɛ me nwanwa.

ɔammfa dza mekāa kyereɛ no no annyɛ hwee. ɔyɛɛ no ebufuw so kɛse na ɔsee dɛ me nyikyerɛ no fi abɔnsam. ɔsee dɛ biribiara nnyi hō wō dəm aber yi mu a wōfrɛ no nyikyerɛ anaa enyidoadzehu. ɔsee dɛ dəm ndzɛmbo no nyinara baa ewiei wō Christ n'aber do asomafo no do na biribiara nnyi hō a ɔtse dəm a ɔbɛba bio.

Annkyer biara na muhun dɛ hōn a wōfrɛ hōnho nyamesomfo no etsia me wō dza

*"Muhun kan fadum
bi wo m'etsifi papaapa"*



mek  e no ho. W  tseetsee me pii, na atseetsee no k  r do y  e k  se. Menny   nyimpa a may   atsenka; nna mey   abofra ara a meedzi mfe duanan dze rok   duenum. Minnyi dzibew biara. Naaso nyimpa a w  ye edzibewdzifo faa no d   mey   obi a moho hia k  se ntsi wonunuu   mamfo araa ma wotsiaa me na w  tseetsee me mbordo. D  m atseetsee yi fii as  r horow no nyinara h   bae. H  n nyinara y  e kor d   w  retseetsee me.

Meedzi mfe duanan na kakra ara, na da biara meber   ansaana meenya biribi kakra a mibedzi ma aso me.   nam d  m ntsi, nna   ye me nwanwa, na ofitsi d  m aber no nna   da ho ye me nwanwa d   nyimpa ekunyin a w  wo as  r horow a ay   atsenka d  m mu botu enyi esi mo do.   ye me nwanwa so d   w  b  dwen d   mo ho hia ma h  n araa ma w  b  tseetsee me d  m na woegu m'enyim ase. Mbom kansa s     ye me hu mpo a, d  m kwan no nna   nam do, na osian   no ntsi, aber nyinara na mo were ahaw dodow.

Mbr     tse biara no,   ye nokwar d   nyimpa beenu bi baa me nky  n. Ofitsi d  m aber no meye   d   mbr   Osomafo Paul y  e w   ber a oriyi n'ano w   Chen Agrippa n'enyim no.   k  a nyikyer   a ohunii a   kyer   d   ohun kan na   tsee ndze no. Nyimpa binom see d     ab   dam na wosii no atwetwe. Mbom   no   annsesa nokwar a   kyer   d   oehu nyikyer   no.

Oehu ara ampa. Onyim d   oehu, na atseetsee a   wo wiadze nyinara mpo nnkotum asesa d  m nokwar no. S   wokuum no koraa mpo d     ak   a, onyim, na   ye adze a daa n'enyi nnk  pa do, d   oehu kan na   tsee ndze d     rekasa ky  r   no. Wiadze mu nyimpa nyinara nnkotum ama   adwen anaa oenya gyedzi bi d   oennhu.

D  mara na   tse w   m'afamu. Meehu kan ankasa. D  m kan no ne finimfin no, muhun nyimpa beenu. W  kasaa ky  r   me ampa. S   kansa w  taan me na w  tseetsee

me dε mekāa dε meeħu nyikyerε mpo a, nna ɔda ho yε nokwar. Čnam dε mesee dε meeħu nyikyerε ntsi, nkorofo tseetsee me, na wokāa atorsem pii too mo do.

Dεm aber yi, oyεe nwanwa dε mekāa nokwar no ntsi wotseetsee me. Meeħu nyikyerε ankasa. Emi nye woana a mobotum nye Nyame edzi esi? Ebənadze ntsi na wɔpε dε wɔyε me ma mutwa abrōdō wɔ dza meeħu ankasa ho? Meeħu nyikyerε na minyim dε meeħu. Minyim so dε Nyame nyim dε meeħu. Monnkotum etwa ho abrōdō. Nna mammpε dε mutwa ho abrōdō so. Minyim dε se mutwa ho abrōdō a mobofom Nyame na woebu me fo.

Aber no nna m'adwen esi me pi wɔ dza modwenee a ɔfa asor horow a ɔwɔ wiadze no ho. Minyim dε onnyi dε mokodōm hōn mu biara. ɔwɔ dε moko do tsena dε mbre metse dada no kεpem dε Nyame bεkyerε me dza menyε. Meeħu dε James ne nsem yε nokwar. Nyimpa a ne nyansaa tō sin no botum ebisa Nyame, enya nyansa na Nyame rennka n'eniyim.

Moroni Ne Nsera

Mokor do boc me bra a mobo no dada no kεpeem Fankwa ne da a otsia eduonu biako wɔ afe 1823 mu, a daa nyina nna nyimpa horow, hōn a wɔyε nyamesomfo na hōn a wɔnnyε retseetsee me pii osiande menngyaa dε mekā dε meeħu nyikyerε ntsi.

Ofitsi aber a muhun nyikyerε dze kesi afe 1823 mu no, muhun nschwe horow nyina. Dεm aber no nna musuar. Wocabra me dε mma monnkodōm asor horow no mu biara. Nkorofa a nkyε ɔwɔ dε wɔyε me anyenkofo na wokā m'akoma to me yamu no paa me.

Se wɔdween dε obi adaadaa me a, nna ɔwɔ dε nkyε wɔbɔ mbodzen twe me ekyir. Mbom menye nyimpa horow nyina dzii afora na mofoom pii, mekyerεe mberantseyε ho mberewyε na meyεe nyimpa su ho

"Nyimpa bi a wɔfrɛ no Moroni
puɛɛ me mpa no nkyɛn na ɔsee dɛ
Nyame bɛma me edwuma bi ma maayɛ"



okwasea. Oye me yaw de mebekā de, dem mfom yi dze me kɔr nsɔhwɛ pii mu a otsia Nyame. Se mekā dem a, onnyi de obiara susu de midzi fɔ wɔ bɔn kɛse anaa huhu bi ho. Onnyi m'adwen mu de mebeyɛ bɔn a ɔtse dem.

Osian dem ndzɛmba yinom ntsi, aber biara midzi fɔ wɔ me mberɛwyɛ na m'esintɔ ho. Fankwa ne da a otsiā eduonu biako (da a midzii kan bɔɔ dzin no) n'anafua no a nna maakɔ mpa do no, mehyɛs ase de morobo mpaa na mebisa Otumfo Nyame ma ɔdze mo bɔn na mo nkwasdeadze nyinara akyɛ me. Mesee no de ɔmma munhu me gyinabew wɔ n'eniyim. Nna mowɔ awerɛhyɛmu kɛse de mbre obesi biara no mibanya nyikyerɛ de mbre meenya bi dada no.

Aber a mugu do robɔ mpaa ma Nyame no, muhun kan bi de orupue wɔ me dan no mu. Okɔr do hyerɛnee araa kɛpeem de dan no mu tsewee kyɛn ewiaber mpo. Annkyer na nyimpa nyimnyamfo bi puee me mpa no nkyɛn. Osensɛn wimu a ne nan nnka famu.

Ohyɛ bataker fufuw bi a ɔhoa kyɛn adzefufuw biara a meeħu no wɔ asaase yi do pɛn. Menngye nndzi de biribi wɔ asaase yi do a wobotum aye ma ahoa na ahyerɛn dem. Ne nsaho na n'abasa, fitsi ne nsakɔn dze kɔ sor kakra no da hɔ kwa a biribiara nnkata ho. N'anamɔn na ne nanho dze kɔ sor kakra mbre n'anankroma wɔ no da hɔ kwa. Ne tsir na no kɔnho so da hɔ kwa. Muhun de ɔnnhyɛ atar biara bio kã bataker no ho osiandɛ nna no mu ebue ma mutumii hun n'akoko.

Nnyɛ n'atar no nko na ɔhoa mbordo, mbom ɔnoara so mbre noho si hyerɛn no ano nnkotum akyerɛkyerɛ mu, na no hwɛbea hyerɛn de enyinam. Ber a muhun no ahyɛse no, suro kitsaa me, mbom suro no fii hɔ ntsɛmara.

Ofrɛs me na ɔsee de wɔfrɛ no Moroni. ɔsee de aman, ebusuakuw na kasahorow nyina bekā dza oye wɔ moho na woakā dza

*"Afei aber sõe a õwo
dε me nsa kã mpretse no"*



omuo so. Dza ɔkyerɛ nye dɛ nyimpakuw ahorow nyinara mu no, binom bɛkā dɛ meye nyimpa papa na binom so akā dɛ meye nyimpa bɔn.

ɔsee dɛ oesie nwoma bi a wɔakyerɛw no wɔ sika mprɛtse do wɔ asaase yi mu. Na nwoma no kā tsetse nkorofo a wɔtsenaa Americaman mu ho asem. ɔsee bio dɛ onnyiewieie nsem̄pa ne māhyɛ no a Agyenkwa no dze maa tsetsema no wɔ nwoma no mu. ɔsee bio dɛ wɔdze abo ebien akā mprɛtse no ho esie. Dɛm abo yi gu dwetɛ adaka mu a wɔdze afam akokyɛm ho na wɔfrɛ hɔn Urim na Thummim.

ɔsee dɛ tsetseberdo no, wɔfrɛs hɔn a wɔwɔ dɛm abo yi na wɔdze dzii dwuma no "adzehufo" na Nyame esiesie abo no wɔ kwan bi do a wɔfa do kyerɛ nwoma no ase.

Owiee dɛm nsem̄ yi kā ekyir no, ɔhyɛs ase kā Ahyɛmu Dadaw no mu nkɔnhyɛsem̄ no bi kyerɛs me. Dza odzii kan kā ho asem̄ nye Malachi tsir ebiasa. ɔkā dɛm nkɔnhyɛ nwoma noara so ne tsir anan ho asem̄. Mbom nna ɔnye dza ɔwɔ hɛn Bible mu yi bɔ ebira kakra. Nkyɛ ɔwɔ dɛ ɔkā nkyekyɛmu a odzi kan no dɛ mbre wɔakyerɛw no wɔ hɛn Bible mu no, dza ɔkāe nye dɛ:

"Nokwar, da bi bɛba a ɔbɛyɛ hyew dɛ fononoo mu, na hɔn a wɔyɛ ntsen no nyina nye hɔn a wɔyɛ emumuyɛdze nyina no wɔbɛhyew hɔn dɛ nwura. Hɔn a wɔbɛba no, ɔbɛhyew hɔn, Dɛm Ewuradze na ɔse, amma hɔn ndwow anaa hɔn abaw annka."


Nkyekyɛmu enum no so ɔse:

"*Hwɛ menam Elijah n'Asɔfodzi do bedatum a ofi Nyame hɔ no edzi akyere wo ansaana Ewuradze ne da kɛse no ɔyɛ hu no aba.*

Nkyekyɛmu esia no so ɔsesāa no kāe:

"*Na ɔdze anohoba a Nyame dze bɔɔ hɔn egyptom no bɛhyɛ mba no adwen mu na mba no akoma bɛdan aki hɔn egyptom hɔ. Se annyɛ dɛm a, ber a Ewuradze bɛba no asaase nyina bɔtɔ pan Koraa.*"

*"Mehyεε ase kyereεεw
dza cωc mpretse no do no".*



Okāa Isaiah tsir dubiako so kāa iyinom ho. Āse, ḷnnkekyer na nkōnhyesem a ɔwɔ ha yi ahye mā. Afei Okāa Asomafo Ndwuma no ne tsir ebiasa na nkyekyemū 22-23 no pεpεsεpεr de mbre ɔtse wɔ Ahyemū Fofor no mu no. Āsee de nkōnhyenyi a wɔcɔcɔ ne dzin no nye Christ. Mbom āsee de da no nnyaa nnsōe a "hōn a wonnketsie ne ndze no wobotwa hōn efi No nkorofo mu", mbom ḷnnkekyer na da no asō.

Okāa Joel ne tsir ebien, fitsi nkyekyemū 28 kεpem 32 so ho asem. Āsee de dēm nkōnhyε yi so nnyaa nnhyεs mā na ḷnnkekyer na ahye mā. Okyerεs mu so de ḷnnkekyer na mber asō a amanamamfo nsa bεkā nsεmpa no. Nyamesem pii so a ɔwɔ Bible mu na ɔkāe na okyerεkyerεs mu pii a morunntum nnkyerεw wɔ ha.

Bio, āsee me de aber no nnyaa nnsōe a ɔdze mprεtse no bεma me, na se ɔdze ma me a, mma memmfa nnkyerε obiara. Se medze kyεrε a wɔbεsεsε me. Mobotum dze akyεrε hōn a Nyame bεkyεrε de memfa nkyεrε hōn no nko. Ber a ḷnye me rekā mprεtse no ho asem no, minyaa nyikyerε bi.

Mutumii hun bea a mprεtse no hyε no wɔ m'adwen mu. Nyikyerε no daa biribiara edzi pefee, dēm ntsi ber a mokōr bea no do no muhunii.

Okāa dēm ndzemba yinom kyεrεsε me ekyir no, muhun de kan a ɔwɔ dan no mu no rotwe bεn no honandua. Okōr do yεsε dēm kεpeem aber a dan no mu yεsε sum de mbre ɔtse dada no ma ɔkaa kakraabi wɔ noho. Nna awerεfir mu ara muhun de sor ebue kann. Ofaa kan no mu kōree a mennhu no bio. Iyi ekyir no, dan no mu yεsε sum de mbre ɔtse wɔ ber a kan a·ofi sor no mmpuee hō no.

Medaa hō komm dwendween anwanwadze kεse a osii nye dza osomafo a ofi sor yi akā akyεrε me no ho. Ber a mugu do rodwendwen no, awerεfir mu ara muhun

dε me dan mu hɔ ahyε ase reyε kann.
Annkyer koraa na muhun dε dεm ɔsomafo a
ofi sor no gyina me mpa no nkyεn.

ɔhyεs ase bio kāa nsεm kor no ara a
ɔkāa no ahyεse no kyεrεs me. Čannka adze
fofor biara annka ho. Ono ekyir, Okāa
atsεmbu kεse a oreba asaase yi do no
nsunsuando, asaase a osian ɔkōm akokoeko
na ahokyer ntsi ɔbeda hɔ pan ho asem
kyεrεs me.

Osee dε dεm atsεmbu kεse yi bεba
asaase yi do wɔ dεm mbasantsen yi do.
Okāa iyinom kyεrεs me ekyir no, ɔkor sor
dε mbre ɔyεs no ahyεse no.

Dεm aber yi m'adwen mu haaw me araa
ma nna munntum nnda. Dza meeħu na
maatse no maa medaa hɔ ahobow mu. Na
dza ɔyεs me mwanwa kεse mpo nye dε
muhun dε ɔsomafo kor no ara epue me mpa
no ho bio. Metsee dε orisi nsεm a ɔkāa
kyεrεs me no do bio. Afei so ɔbɔc me kɔkɔ
dε ɔnam dε m'egya n'ebusuafø ye abɔbɔfo
ntsí, Satan bɔbɔ mbɔdzen dε ɔbɔc me ahwε
agye mprεtse no ama medze enya moho.

ɔbɔc me kɔkɔ dε mma mennyε no dεm,
na ɔsee dε siantsir a wɔpε dε wɔdze
mprεtse no ma me nye dε ama medze
akyekyer Nyame n'ahenman. Osee dε mma
memma obiara nndaadaa me. Na sε minya
adwen fofor biara so kā ho a, me nsa rennka.

Ne nsera a otsia ebiasa yi ekyir no,
ɔfowee kɔr sor bio dε mbre ɔyεs no ahyεse
no, na bio, ɔkaa monko a nna meda hɔ
rodwendwen anwanwadze a meeħu no
seseiara no ho. Osomafo a ofi sor no fii me
nkyεn ne mpεn a otsia ebiasa no, annkyer
koraa na akoko bɔnee na muhun dε adze
akye. Iyi kyεrεs dε ne nsera no gyee
anafua no nyinara.

ɔyεs kakra no mosoeer wɔ me mpa do
na mokɔr edwuma. Mbom ber a mobɔɔ
mbɔdzen dε mereyε edwuma, dε mbre meyε
no dada no, muhun dε maayε mberew na
dεm ntsi menntum annyε hwee koraa.
M'egya a menye no reyε edwuma no hun dε

biribi rehaw me ntsi ɔsee me dε monkɔ fie. Mefaa fie kwan. Mbom aber a mehyεε ase dε morofow ban a wɔdze agye haban a yεwɔ mu no ho no, m'ahom nyina pae ma mohwee famu na m'enyi do siiw me.

Adze a odzi kan a mekaa nye ndze a ɔrekasa kyεε me na ɔdze me dzin refreε me. Memaa m'enyi do wɔ sor na muhun ɔsomafo kor no ara dε ogyina m'etsifi na kan etwa noho ehyia dε mbre muhun no ahyεε no. ɔsanee sii nsɛm a ɔkāa no anafua no nyinara do. ɔhyεε me dε monkɔ m'egya hɔ na menkɛkā nyikyεε no nkyεε no nye mbrasɛm no so.

Midzii do. Mesanee kor m'egya a dɛm aber no na ɔda ho wɔ haban mu no hɔ kɛkāa dza ɔfa nyikyεε no ho nyina kyεε no. Obuaa me dε ofi Nyame na ɔsee me dε monkɔ nkεyε dza ɔsomafo no ahyε me dε menyε no.

Mifii haban no mu na mokɔr bea no a ɔsomafo no akā akyεε me dε mpretse no hyε no. ɔnam dε nyikyεε a meenya no yε pefee ntsi, ber a mudur hɔ ara na muhunii.

Sika Mpretse

Manchester a ɔwɔ New York ekuroba bi nkyεn na koko kεse bi si. ɔno nye koko a ɔwar kyεn akoko a ɔwɔ bea no do nyina. Mpretse no wɔ ɔbo adaka mu wɔ dɛm koko yi n'anee afamu, wɔ bea a odzi kɔ no sor no. Wɔhyε ɔbo kεse bi a ne finimfin yε kεse na no sor yε korkorba ase. Odzi kɔ ne nkyεnkyεn no yε tseatseaba na dɛtse akata do ma dɛm ntsi odzi kɔ ne finimfin no nko na opue sor.

Modwurudwuruuw dɛtse no wiei no, mohwehweεε abaa bi dze hyεε ase. Medze ahoodzi maa bobaab no do kor sor. Mohweεε adaka no mu na muhun mpretse, Urim na Thummim no na akokyεm no dε mbre ɔsomafo no akā no ara pεr. Adaka no a ɔwɔ mu no wɔdze abo ayε. Wɔdze abo

ebien abeabea adaka no ase. Dəm abo ebien yi do na mpretse no na ndzemba nkaa no gu.

Moboo mbodzen de mibeyi mpretse no epue na osomafo no amma me kwan. Osee me bio de mber nnsoe a medze pue nna nnye n'aber nye no gyedə mfe anan etwa mu ana. Mbom osee me de afrenhyia pepereser mensan mbra koko no ho na obehyia me wo ho. Osee de menyə dəm afe biara kəpem de aber bɔsɔ ma me nsa akā mpretse no.

Afe biara mokor koko no ho de mbre ohyee me no. Mihyiaa dəm osomafo kor no ara wo ho na aber biara minyaa nkyerexyerɛ na nyimdzee fii no ho.

Dəm ehyiadzi yinom mu no, okaa dza Ewuradze rebeyɛ kyereɛ me na mbre obesi ahyehye N'ahendzi wo nda a odzi ekyir no mu.

Onam de biribiara nnyi m'egya ne nsamu ntsi, okehiaa de yedzi paa. Yεyεɛ edwuma maa nkorofo. Oto mber bi a hen edwuma ben fie dəm ntsi yetum tsena fie. Obodu mber bi so no na edwuma ama yeefi fie ko ekyir akeyeɛ edwuma na yeatsena ho. Mbom onam edwuma a yεyεɛ no dabaa no ntsi yetumii nyaa biribi dze hwɛɛ henho.

Afe 1825, Obeseɛ bosoom mu na panyin nyimdzefo bi a wofre no Josiah Stoal a ofi Chenango kurow a wo New York no faa me edwuma mu. Ber a ofaa me edwuma mu no, oyee nhyeheyɛ bi a ɔmaa mutumii nye Owura Isaac Hale a ofi Harmony dzidzii na menye no tsenae so. Ho na midzii kan hun ne babasia Emma Hale a ekyir yi mowaar no no. Sanda ne da a otsia duawɔtwe wo afe 1827 mu, ber a nna meda ho ye Owura Stoal n'edwuma no na yewaree.

Mowaree no annkyer koraa na migyaa Owura Stoal n'edwuma no ye na mokor m'egya ho nye no kεyεɛ ekuadwuma.

Afei ber a wo de me nsa kā mpretse, Urim na Thummim, na akokyɛm no sɔe.

Fankwa ne da a otsia eduonu ebien, wo afe 1827 mu nna afe kor so aso.

Dem ntsi mokor bea no a ndzemba no hye no, de mbre afe biara meye no, na dem osomafo kor no ara a ofi sor no dze maa me. Osee me de noho asodzi da mo do. Na se mannhwe no yie ma oyew anaa mubu enyi gu do a, wobotwa me efi Ewuradze n'eniyim. Mbom se mobo mbodzen biara a mobotum dze sie karem aber a ono osomafo no beba abegye a, ono wobokora do.

Ankyer biara na muhun santsir a onam do ma osomafo no hyee me dzendzenndzen de monhwae mprentse no do yie no na santsir a onmaa osee de se mowie dwuma a oahye me de mindzi no a obeba abegye ako no. Nkoroko tsee de mprentse no wo mo ho no, woboo mbodzen biara a wobotum de wobegye efi me nkyen. Kwan biara a nyimpa fa do a obeye yie biara no wofaa do. Afei atseetsee no yee kese kyee ma nkye otse no.

Nyimpa pii peer de se wonya kwan a nkye wobowia. Mbom Nyame nam ne nyansaa do booo ho ban ma okaa me nkyen. Ber a mowiee dza wohye me no ye no, osomafo no baa begyee de mbre nhyeheyee no tse.

Medze sanee maa no, na wo ne nkyen bodu nde a oyee Esusow Aketseaba ne da a otsia ebien wo afe 1838 mu a merekyerew dem nwoma yi.

Ber a mprentse no fii me nkyen no mpo nna woda ho tseetsee me. Atorsem pii na wokaa totoo emi na m'egya n'ebusuaf do. Se dza wokkae no mekyerew no mu kakraabi mpo a nkye obeye nwoma amamã. Afei nna munntum nngyina atseetsee no ano bio dem ntsi okehiaa de mifi Manchester. Menye me yer kor Susquehanna a wo Pennsylvania apaamu.

Dem aber yi emi na me yer begyee ehiafo kese na biribiara nnyi ho a okyerew de ohia nnkekka hen osiande nna atseetsee no doo so dodow. Mbom hen ahokyer mu no yenya

banyin bi a wɔfrɛ no Martin Harris ma ɔboaa hɛn. ɔtsenaa kuow a wɔfrɛ no Palmyra a ɔwɔ Wayne a ɔwɔ New York mu, nna ɔyɛ okuafo a odzi mu ara yie.

Obaa hɛn nykɛn na ɔbɛmaa me dɔla eduonum de memfa nsi moho wɔ akwantu no mu. Osian dɛm mboa yi a hɛn nsa kāa wo ber a nna yerebɛhyɛ akwantu no ase ntsi ɔmaa mutumii dur Pennsylvania a ɔyɛ kuow a mepɛɛ de moko mu no. Hɔ na mehyɛɛ ase de merekyerɛw dza ɔwɔ mprētse no do no gu nkrataa do.

Mekyerɛɛw no mu pii na Urim na Thummim no boaa me ma mekyerɛɛ no mu bi ase. Meyɛɛ iyi wɔ ber a mudur m'asew banyin ne fie wɔ Mumu na Kwakwar a ɔyɛ afe fofor no no bosoom a otsia ebien no ntamu.

Kwakwar yi mu aber bi, Owura Harris a maabɔ ne dzin dada no baa beebei a yɛwɔ no. Medze dza makyerɛw egu nkrataa do no maa no ma ɔdze kɔr New York. Dza ɔnoara ɔkāe a ɔfa dza ɔbaa no do na dza woakyerɛw no ho na ɔkā do yi. Maakyerɛw no de mbre ɔkāa kyerɛɛ me wɔ ber a ɔsanee bae no ara pɛpɛsɛrɛr.

"Mokɔr New York Kuropɔn no mu na medze dza woakyerɛw efi mprētse no do na ne nkyerɛase no kyerɛɛ Obemfo Charles Anthɔn. Obemfo Anthɔn ye obi a ɔayɛ atsenka wɔ nwomasua mu. ɔkyerɛɛ de mbre woesi akyerɛ ase no dzi mu. ɔsee de odzi mu koraa kyɛn Egyptfo hɔn kasaa a woakyerɛ ase ma oehu pɛn.

"Afei medze akyerɛw no a wonnyaa nnkyerɛɛ ase no kyerɛɛ no. ɔsee de odzi mu, na ɔyɛ Egyptfo, Chaldafo, Assyriafo na Arabfo akyerɛw. ɔmaa me dasegye krataa a ɔbɛma nkorofo a wɔwɔ Palmyra agye ato mu de dza woakyerɛw no ye na dza woakyerɛ ase no so dzi mu.

"Medze dasegye krataa no hyɛɛ mo kotoku mu na ber a meyɛɛ de miribefi fie hɔ ara na ɔfɛsɛ me. Obisaa me mbre

aberantsə no sii hun də sika mprətse hye
bea a ohunii wɔ no. Miyii no ano də Nyame
no bɔfoe na ɔdaa no edzi kyerees no.

"Afei ɔsee me də memma ɔnhwə
dasegye krataa no bio. Miyii fii mo kotoku
mu na medze maa no. Ogyee na ɔtsetseew
mu, na ɔsee də abɔfo nntum mmba nyimpa
nkyen wɔ dəm aber yi mu. ɔsee də sə
medze mprətse no bre no a ɔbəkyerə ase.
Memaa ɔtsee ase də mprətse no mu bi wɔ
hɔ a woasəw ano na woamma me kwan də
memfa mbra.

"ɔmaa metsee ase də orunntum
nnkenkan nwoma a woasəw ano. Mifii hɔ na
mokɔr Okunyin Mitchell nkyen ma no so
hwehwəe dza ɔbemfo Anthon akā a ɔfa
akyerəw na ne nkyerəase ho no mu."

Martin Harris ne kasaa no n'ewiei nye
no. Ebɔbira ne da o otsia enum, wɔ afe
1829 mu na Oliver Cowdery baa me fie.
Nna minnyim no dada.

ɔsee me də nna ɔyε kyerekyerənyi wɔ
bea a ɔben ma m'egya wɔ no. ɔnam də
m'egya wɔ mbofra wɔ skuul no mu ntsi,
Owura Cowdery tsenaa m'egya ne fie hɔ
kakra. M'ebusuafø akā mbre me nsa sii kā
mprətse no ho asem akyerə no, dəm ntsi
ɔaba də ɔnye me robɔtwetwe ho nkɔmbo.


Owura Cowdery bae no ne nda ebien
ekyir a ɔyε Ebɔbira ne da o otsia esuon no,
mehyεe ase də menye no rekyerə Mormon
Nwoma no ase.

Wokenyan Asɔfodzi

Yɛkɔr do kyerees nwoma no ase kεpeem
afe 1829, Esusow Aketseaba mu. Aber no
na yehun mprətse no do dza yɛakyerə ase
no mu bi a okā hɛn enuma a wɔdze kɔ
bɔnfakyε mu ho asem.

Dəm ntsi, yɛfaa da bi wɔ bosoom no mu
na yɛkɔr kwaa bi mu də yɛrokɔbɔ mpaa na
yeebisa ho asem efi Ewuradze hɔ. Aber a
yɛrobɔ mpaa na yɛrefrε Ewuradze no,

*"Yehun mpretse no na yegye
dase dε dεm
ndzεmba yinom yε nokwar"*



çosomafo bi nam kan fadum mu fii sor
sianee. Odze ne nsa totoo h n etsir do na
chye h n as fo, see d :

"Agyenkwa ne dzin mu na medze Aaron Asɔfodzi no ma hom nyimpa beenu yi a hom so ye n'asomfo de moso yi. Dza ɔwɔ dɛm asɔfodzi yi mu nye abɔfo nserae na nkyerɛkyere, na nsempa no ho nnuho na nsu mu enuma a wɔdze kɔ bɔnfakyɛ mu; wɔnnkɛfa no asaase do bio ama Levi ne mba afra tsenenee afɔrba bio ama Ewuradze."

Osomafo no see de Aaron Asəfodzi yi
nnyi tum a wɔdze nsa gu nyimpa do ma
onya Sunsum Krənkron, na ekyir yi na
wɔdze dəm tum no bəma hən. Ohyeə hən
de yənkonuma hənho. Okyerəs de monnuma
Oliver Cowdery na no so nnuma me.

Osomafo no a obaa hen nkyen dem aber yi na odze Aaron Asofodzi tum maa hen no see de ne dzin dze John, na onoara so nye John Onumanyi no a owo Ahyem Fofor no mu no.

Ósee də Peter, James na John na
wókyerəs no də ɔmbeyəs dza ɔyee no.
Melchizedek Asəfodzi ho nsaafee no kitsa
ne nsamu. Ósee də wózze dəm asəfodzi no
ho tum bəma hən wó ber a ɔfata mu. Afei
ósee də wəmfre me Asər no ne Panyin a
odzi Kan, na Oliver Cowdery so wəmfre no
Asər no ne Panyin a otsia Ebien.

Yekoree konumaa hənho de mbre
ɔkyerəs hən de yenyə no. Midzii kan numaa
Oliver na ɔno so numaa me. Na ɔnam de
ɔahyəs hən de yenyə ntsi, medze me nsa guu
ne tsir do na medze Aaron Asəfodzi no hyəs
no, na ɔno so hyəs me dəm Asəfodzi no ara.

Yenyaa enyimnyam na nhyira kese fii
hen Sor Egya no ho wo ber a yenumaa wiei
ma yefii nsu no ase puei no. Monumaa
Oliver Cowdery wiei ara na Sunsum
Kronkron no bəhyee no mā na ogyinaa kāa
ndzembä pii a ḷnnkekyer na esi ho asem.

Dəmara na onumaa me wiei no mo so
meyee. Mosoëree gyinnaa kāa Asor yi ne

*Nsa kāa Melchizedek Asɔfodzi
no fii Peter, James na John hɔ*



nkyekyeree na ne nyinii nye ndzemba pii a ɔfa Asɔr yi na nyimpa a wɔwo hɔ nde mber yi ho nsem.

Dem ɔsomafo yi hyeε hɛn asɔfo na onumaa hɛn wɔ afe 1829, Esusow Aketseaba ne da o otsia duenum mu. Osian hɛn nkwegyefo Nyame ntsi, Sunsum Krønkrøn no hyeε hɛn mā na yedzii dɛw.

Afei Sunsum Krønkrøn no tseew hɛn adwen mu na ɔhyeε ase dɛ ɔreda nyamesem no edzi kyere hɛn ma yεatse ase. ɔdaa nsem pa no ne nkyerεase ankasa na santsir a ɔmaa wɔkyerεwee a ɔkyeer adwen a nna yenndur hɔ anaadε yεnndwen ho no edzi kyereε hɛn. ɔwo mu dɛ hɛn nsa akã Asɔfodzi no na yeenuma hɛnho dze, naaso osian atseetsee a nkorɔfo a wɔwo apaamu hɔ no dze maa hɛn ntsi, okehiaa dɛ yεye biribiara nsumaamu.

Ofi ber to ber no so, nkorɔfo a wɔfrɛε hɔnho nyamesomfo no nunuu mpanyimfo bi ma wotsiaa hɛn. M'egya n'ebusuafø na wɔbɔɔ hɛnho ban fii dem etuatsewfo yi ho. Nyame n'dom na ɔmaa obaa no dem.

M'asew banyin na n'ebusuafø tsiaa etuatsewfo no. Wɔnye me abεye nyenku ntsi wɔpɛε dɛ nkaafø no so ma me kwan ma moko do dzi mo dwuma. Wɔdze hɔnho mae na wɔbɔɔ anohoba dɛ wɔdze hɔn tum nyinara bɔbɔ hɛnho ban wɔ biribiara a ɔmmfata a wɔdze bεye hɛn no ho.

Adasefo

Ber a yegu do rekyere nsem no ase no, yehun dɛ Ewuradze bɛma hɛn adasefo baasa bi a wobohu mpretse no a merekyere ase no. Dem adasefo yi begye dase dɛ woehu. Dza yerekyere ase a woato no dzin Mormon Nwoma no kã hɛn iyi ho asɛm wɔ Ether 5:2-4 na 2 Nephi 27:12.

Yehun dem no, Oliver Cowdery, David Whitmer na Martin Harris see me dɛ mimbiisa Ewuradze nhwɛ dɛ gyangyanbiara hɔn na wɔsɛ dɛ wɔye adasefo soronko baasa

no. Mibisaa Ewuradze ma ɔdaa no edzi kyereɛɛ me dɛ hɔn na wɔɔɛ de wɔyɛ adasefo soronko no.

Nda kakra twaa mu no, emi, Martin Harris, David Whitmer na Oliver Cowdery kɔr kwaa bi a ɔbɛn David Whitmer ne fie, mu kɔbɔɔ mpaa ahobrɛase mu maa Ewuradze de ɔmma anohoba a ɔdze abɔ hɔn no nhye mā na ɔmma wonhu mprētse no. Nna yɛwɔ gyedzi kɛse de Otumfo Nyankopɔn bɛma hɛn anohoba yi ahyɛ mā.

Yɛyɛɛ adwen dɛ mibedzi kan abɔ mpaa na ekyir yi nkaafø no so dze ndze kɛse atoatoa do abɔ. Aber a odzi kan a hɛn nyinara bɔɔ mpaa maa hɛn Sor Egya no yennya mbuae biara. Biribiara emmfi Nyame hɔ ammba. Bio, hɛn nyinara dze adwenmutsewee toatoaa do frɛɛ Nyame, na dza osii ahyɛse no ara na osii.

Ber a hɛn mpɛn ebien no so enndzi mu no, Martin Harris see de ohu de ɔno ntsi na dza yɛrobo mpaa dze ribisa no hɛn nsa nnka no. ɔyɛɛ adwen dɛ obefi hɛn nkyɛn. Ofii hɔ no, yebuu ntwɛr na yɛbɔɔ mpaa bio. Mber kakraabi bɛsenee no, yehun dɛ kan atow hɛn do wɔ wimu. ɔhyerɛn mbordo.

Awerɛfir mu ara na sor ɔbɔfɔ dze mprētse no begyinaa hɛn enyim. ɔdaan no nkorkor ama yeetum ehu na yeehu dza woekrukye wɔ do no yie. Afei ɔdaan n'enyi wɔ David Whitmer do na ɔsee dɛ, "David, nhŷira nka Ewuradze, na nhŷira nka nyia odzi Ne mbrasɛm do."

N'ano sii ara na yɛtsee ndze bi fii kan a ɔwɔ hɛn do no mu. ɔsee dɛ, "Wɔnam Nyame No tum do daa mprētse yi edzi na wɔnam Nyame No tum do kyereɛɛ ase. Nkyerɛase yi a hom hunii yi dzi mu na mehyɛ hom dɛ hom ndzi dza hom hu no seseiara na hom tse yi ho dase."

N'ano sii ara na migyaa David na Oliver hɔ na mokɔr dɛ morokɔhwehwɛ Martin Harris. Muun no ekyirekyir dɛ ɔapra ne yamu robɔ mpaa. Mbom ɔmaa metsee ase dɛ Ewuradze da ho ara mmaa no mbuae.

Osee me dε menye no mbo mpaa ma no so nya nhyira kor no ara a hεn mu binom nsa akā no bi. Dεm ntsi, hεn nyinara bοo mpaa na ekyir yi hεn nsa kāa hεn ebisadze.

Ansaana yerubowie no, yehun nyikyerε kor no ara, na muhunii na metsee ndzεmba kor no ara a midzii kan hunii no. Na dεm aber yi no, Martin dze enyigye ndze kekaa mu. Osee dε, "Odoɔ sō! Odoɔ sō! Meehu! Meehu!" Ohuruwii na ɔkaa mu see dε, "Hosanna," ntonton nka Nyame, na odzii dεw pii.

Seseiara a dεm nyimpa baasa yi nam Nyame n'adom do ehu nyikyerε nwanwa yi, dza okehiaa nye dε wɔbεye dza wɔhyεε hɔn dε wɔnyε no, na wɔngye dase nkyerε wiadze dε wohun mpretse no. Mbre wobesi ayε iyi no, dza wɔkyerεwee nye yi:

Nyimpa Baasa Hɔn Dasegye

Yεma aman, ebusuakuw na kasahorow nyinara a wobohu dεm nwoma yi atse dε, yεnam Nyame Egya na hεn Ewuradze Jesus Christ do huun mpretse no a wɔkyerεε ase fii do no. Ofa Nephi no nkorofo nye hɔn enuanom, Laman no nkorofo na Jared no nkorofo so a wofi abantsentsen a woakā ho asεm dada no mu no ho.

Yenyim dε wɔnam Nyame n'akyεdze na no tum do kyεrεε dza ɔwɔ mpretse no do no ase. Ne ndze bοo no dawur kyεrεε hεn. Dεm ntsi yenyim dε nwoma no ye nokwar. Yεgye dase dε yeehu dza woekrukye wɔ mpretse no do no na wɔnam Nyame no tum do dze kyεrεε hεn na wɔnnam nyimpa no tum do.

Yεkā no nokwar mu dε Nyame no bοfoe na ofii sor sianee dze mpretse no bεkyerεε hεn. Yεdze hεnara hεn enyiwa huun dza woekrukye wɔ do no. Yεnam Nyame Egya n'adom na hεn Ewuradze Jesus Christ do nyim na yeehu dεm ndzεmba yi na yεgye dase dε ɔyε nokwar. Yεhu dε ɔyε nwanwa.

Na Ewuradze ne ndze na ɔhyee hɛn dɛ yɛngye ho dase, dɛm ntsi, ɔwo dɛ yɛyɛ setsie na yɛgye ndzɛmba yinom ho dase. Yenyim dɛ sɛ yedzi nokwar ma Christ a, wonnkobu hɛn fɔ, na sɛ Christ rubu hɛn atsɛn a, onnkohu bɔn bi wɔ hɛn ho na yɛnye no bɛtsena sor afeboɔ. Enyimnyam nka Egya, ɔba nye Sunsum Krɔnkrɔn a wɔbɔmu yɛ Nyame kor no.

Oliver Cowdery
David Whitmer
Martin Harris

Iyinom ekyir no, wɔkyerɛɛw dasegye a ɔkā do yi so.

Adasefo Baawɔtwe Hɔn Dasegye

Yɛma aman, ebusuakuw na kasahorow nyinara a wobohu dɛm nwoma yi atse dɛ Joseph Smith Kakraba a ɔkyerɛɛ ase no dze mpretse a wɔabɔ dzin wɔ nwoma yi mu no kyerɛɛ hɛn.

No hwɛbea tse dɛ sika. Na mpretse a ɔkyerɛɛ ase no yɛdze hɛn nsa suoo mu. Na yehun dza woekrukye wɔ do no a ne nyinara yɛ tsetse dze, na ɔyɛ nwanwa. Yɛkā no nokwar mu dɛ Owura Smith dze kyereɛɛ hɛn.

Yehunii, maa do na yɛgye to mu dɛ ne nsa kā mpretse a yɛrekā ho asɛm yi. Yɛdze hɛn edzin hyɛ ase ama wiadze nyinara ehu, na yɛgye dase kyereɛɛ nyimpa a wɔwɔ wiadze nyinara dɛ yehunii. Nyame dzi hɛn dase dɛ yɛrennka atorsɛm.

Christian Whitmer
Jacob Whitmer
Peter Whitmer, Kakraba
John Whitmer
Hiram Page
Joseph Smith, Panyin
Hyrum Smith
Samuel H. Smith

Nna hən enyi da kwan də anohoba no a ɔbəfo no a ɔdze Aaron Asəfodzi hyεs hən no bəe no bəhyε mā. ɔsee də sə yedzi nokwar a hən nsa bəkā Melchizedek Asəfodzi no so. Dəm asəfodzi no tum bi wə mu a ɔma sə obi dze ne nsa gu ne nyənko ne tsir do a onya Sunsum Krənkrən n'akyədze no.

(Nkənhyənyi no see də ɔno na Oliver Cowdery nsa kāa Melchizedek Asəfodzi no fii Peter, James na John hə wə Esutsen Susquehanna a ɔda kurow a wəfrə no Harmony a ɔwɔ Pennsylvania na Colesville a ɔwɔ New York ntamu no nkənkənoa.)

Wəkyekyeer Asɔr No

Ber a wogu do ritsintsim Mormon Nwoma no, yəkɔr do gyee dza esi ho dase kyεrεsε binom. Yεmaa hən mfəfo agyedzifo no so tsee də wəahyε hən də yεnkyekyer asɔr.

Dəm ntsi, yehyiaa Owura Peter Whitmer Panyin ne, fie yεs dəm. Da no yε Benada, Ebəbirane da a otsiā esia wə afe 1830 mu. Yədze mpaabɔ maa hən Sor Egya dze hyεs ase. Də mbre wəahyε hən dada no, yebisaa ankorankor biara a ɔaba hə bi no də ɔpen də yεbεyε ne kyεrεkyεrεnyi wə dza ɔfa Nyame n'ahenman no ho.

Yebisaa hən so də, wəopen də yεkyekyer asɔr no də mbre wəahyε hən no. Hən nyinara gyee too mu. Afei medze me nsa guu Oliver Cowdery ne tsir do hyεs no panyin wə Jesus Christ N'asɔr a ɔwɔ Hə Ma Ekyirmba Ahotseweefo do. No so hyεs me panyin wə asɔr kor no ara do. Yεfaa paanoo, hyiraa do, bubuu·mu na yεnye həndzii.

Afei yεfaa wenyin, hyiraa do na yεnye hən nomee. Nna yədze hən nsa guu obiara a ɔwɔ hə no do ma wonyaa Sunsum Krənkrən n'akyədze no, na yesii hən pi ma wəbεyεsε Christ N'asɔr no mu mba. Sunsum

Krōnkron no baa hēn do pii. Hēn mu binom hyēs nkōm na hēn nyinara yii Ewuradze ayēw na yedzii dēw mbordo.

Afei yēfrēfress binom hyēs hōn asōfo na yēdze dzibew ahorow hyehyēs hōn nsa dē mbrē Sunsum no hyēs hēn dē yēnyē no. Yenyaā enyigye pii na yētsee Sunsum Krōnkron no ne nhira no a wōnam Nyame n'adom do dze maa hēn no nka wō hēn mu.

Ber a yedzii mpaapaamu no, ḍyēs hēn ahomka dē yehuun dē afei hēn mu biara abeyē Jesus Christ N'asōrba. ḍyēs hēn ahomka dē Nyame gyee Asōr no too mu. Yēnam mbrasēm na nyikyerē a ɔdze maa hēn wō dēm nda a odzi ekyir yi, nye kwan so a wōfaa do kyekyeer Asōr a wōakā ho asēm wō Ahyēmu Fofor no mu no do kyekyeree.

* * * *

Iyi nye Joseph Smith ne dasegye tsabaa a no mu da hō pefee na ofi ɔnoara n'anomu. ɔkā hēn dza ɔmaa wōtseew Jesus Christ N'asōr a ɔwō Hō Ma Ekyirmba Ahotseweefo no ho asēm.

ɔkyekyeer Asōr no wiei no, annkyer na ɔno na n'akadofo fii New York kētsenaa Kirtland, Ohio.

Wosii asōrdan fēefew bi wō hō na wōhyēs ase kyerekyerēs nyimpa pii nsem̄pa no. Nyimpa a wōwō Asōr no mu no hōn dodow yēs kese ntsem̄ara. Wōmaa nkyerēkyerē pii wō Missouri. Annkyer na Asōrmba no mu dodowara kētsenaa Missouri.

Dēm aber yi no, nkorofo no enntum enngyina asōr nkaa no enyim. Nkorōfo a wōwō Missouri no bo fuuw Ekyirmba Ahotseweefo na etuatsewfo paam hōn fii hōn asaase do. Wōhyēs hōn ma wofii hō, daan hōn efi gyaae. Wogyaā hōn kwāa na asōrdan a wōsom wō mu no gyaae.

Wōkōr Illinois. Nkorōfo a wōwō hō no gyee hōn too mu. Wōyēs ayamuyie maa Ekyirmba Ahotseweefo no, na wōboaa hōn

wō hōn ahohia mu. Ahotseweefo no tōc asaase yantamm bi a ɔyε atakyε wō Esutsen Mississippi ne nkyen. Wōhweew nsu no, na wōkyekyeer kuropōn bi a wōtoo no dzin Nauvoo a ne nkyerease nye "fēefēw."

(Dēm aber no, nna ɔno nye kuropōn kese a ɔwō apaamu hō.) Osian nsem̄pa ho nkyerεkyerε a wōdze maa nkorofo a wōwō mbew no do nye dza wōdze traa ahe kōr Ngiresi Aborōkyir ntsi, asor no dōree ara yie. Wonyaa asomdwee wō aber no mu.

Mbom woennya asomdwee a ɔkyεr wō Nauvoo hō. Ha so nkorofo bi soεree tsiaa Ekyirmba Ahotseweefo hōn nyamesom no, na wōtseetsee Asor no mu mba no. Wōdze nsem̄ totoo Joseph Smith na no nua Hyrum do na wōfaa do dze hōn guu efiadze. ɔman no mu mpanyimfo gyee too hōn do dē wōbōhwē abō hōnho ban ber a wōrotweon da a wōdze bedzi hōn asem̄ no.

Wōammbo hōn ho ban dē mbre wōsee dē wōbeyε no. Obiradzi ne da o otsia eduonu esuon, wō afe 1844 mu, ber a wogu efiadze wō kurow bi a ɔben Carthage no, etuatsewfo bi a wōdze ndzεmba akekā hōn enyim toow Joseph na Hyrum etur kuum hōn.

Brigham Young bεhyεs n'anamu bεyεs Asor no ne kandzifo. ɔdze Ekyirmba Ahotseweefo tui fii Illinois twaa asaase a ɔda famu a ɔwō North America no dze hōn kehεen koko bi a wōfrε no Rocky Mountains no mu wō Anee afamu. Asaase no da hōpan. Nna wōwō gyedzi na annkyεr koraa na wōbeyεs ahonyafo.

Ndē mber yi nyimpa mpempem a wōwō wiadze yi mu gye to mu dē Joseph Smith yε Nyame no nkōnhyεnyi. Jesus Christ N'asor a ɔwō Hō Ma Ekyirmba Ahotseweefo no ne fapem gyina nyikyerε a onyae, nokwar kρōnkρōn a ɔkyerεkyerε na asofodzi ho tum a wōnam no do kenyaan no no do.

ADRÈSE

Jesus Christ N'asor a ḥwo ḥo Ma
Ekyirmba Ahotseweefo no n'ewiwdo a
ibotum akyerew nkataa akɔ hɔ no binom
hɔn adrèse na woakyerew wɔ ase ha yi. Se
epè de isūa ndzemba pii a ɔfa Asor yi nye
Jesus Christ ho a, bra hɛn nkyɛn, anaa
kyerew krataa kɔ Adrèse a ḥwo ase ha yi
mu biara a ɔben wo.

Ghana Accra Mission
P.O. Box 9461
Airport Office
Accra, GHANA
West Africa

Missionary Department
50 East North Temple 3WW
Salt Lake City, Utah 84150
USA

JESUS CHRIST

MA CH CMG A OCS'AN
NDA A ODZI EKYIR
AHOTSEWEEFO

FANTE



4 02326 67502 1
32667 502